

I 'uleo o le MALUAPAPA




Tala mai le Kolisi Faa-Faifeau i Malua / News from Malua Theological College; Lomiga XXVII - Me 2012

TALOFA LAVA!

I le suafa paia o lo tatou Alii o Iesu Keriso, ou te faatalofa atu ai i le mamalu o le au faitau uma o lenei lomiga o le Maluapapa. Malo le lagi e mama ma le soifua maua. E faatalofa atu foi i le paia ma le mamalu o le Ekalesia ua tauaofia i Malua mo lana Fono Tele i lenei tausaga 2012, lau afioga i le Taitaifono ma le Sui Taitaifono faapea le Laulau o le Fono Tele, faapea lau afioga i le Taitaifono ma le paia o le Komiti a le Au Toeaina, le paia i le nofo a Komiti uma a le Ekalesia, faapea le mamalu o Sui Usufono o le Fono Tele, ma le loaloa o le Ekalesia i ona tulaga faalua.

Ia faateleina pea le viiga ma le faafetai i le Atua, ona o lana pule faasoifua ma lona agalelei tele ua tatou aulia mai ai lenei vaitau taua o le tausaga, i le tauaofia ai o le Fono Tele a le Ekalesia, ae maise foi o le faailogaina o le 50 tausaga o le Ekalesia Faapotopotoga Kerisiano i Samoa, ina ua suia lona igoa mai le Ekalesia Samoa LMS i le EFKS. E ui ina ua fai i lagi le folauga a Tama ma Tina sa o latou mua'i ilagaina mai lenei galuega, ae tatou te faafetaia pea le Atua ona o ana meaalofo tagata mo lana Ekalesia, ma faamanuiaga e tele ua ala mai i lo latou soifua galulue. Ia avea foi le talafaasolopito o le Ekalesia, e fai ma lu'itau mo le agai atu o le Ekalesia i le lumanai. E le faagaloina i lenei Kolisi le soifua auauna o le Susuga ia Oka Fauolo FT, o lē sa tu i le foe o le sã o le Kolisi Faafaifeau i Malua i tausaga e tele, ua faamanavaina nei ana galuega e lona Matai. O le sao taua o lenei auauna i le tapenaina o le aufaigaluega



Susuga Dr Afereti Uili (FS)
Pule o le Kolisi

faifeau a le Ekalesia, ae maise foi o lana tuualalo i le Ekalesia e ala i ona tiute ma tofiga e tele sa galue ai, o loo olaola pea i le soifua o lenei Ekalesia ma le atunuu atoa. E le itiiti foi le agaga faafetai, ona o le taitaiga malu ma le leoleoga matagofie a le Atua i le Malo o Samoa, lea ua atoa nei le 50 tausaga o lona Tutoatasi.

Avea ia lenei avanoa e momoli atu ai le faamalo ma le faafetai tele i le Ekalesia ona o la outou tatalo faifaiepa mo le Kolisi i Malua nei, faapea foi lo outou lagolagoina o le Kolisi i le tele o itu, ua manuia ma sologa lelei ai ana polokalame ma galuega fai o lona tausaga seia oo mai i lenei taimi. E fia faamauina foi le faafetai faapitoa i le

Komiti o Malua ma le Komiti o le Au Toeaina, o Tama lava o le Kolisi Faafaifeau i Malua. Malo le faapalepale ma le alofa faa-tama i le Kolisi, ae maise o lau tatalo aua le manuia o le alo faiva o le Kolisi i ona tiute e pei ona faatonuina ai e le Ekalesia. Malo foi faafetai i le taitaiga o lenei Kolisi i auala uma e manuia ai lona aga'i i luma.

E momoli atu foi le faamalo ma le faafetai tele, i le susuga i le Toeaina Faatonu ia Apelu Lelevaga ma le afioga i le Taitaifono o le Fono Tele, le susuga i le Toeaina ia Lale Ieremia, o e sa galulue punoua'i i le Komiti o Malua seia oo mai i lenei fonotele. Malo le tauata'i ma le faatoatoa, ua a'e manuia faiva sa feagai ai i le Ekalesia. Faafetai i le tofa faale-Atua na faasoa mai mo le Kolisi, ae maise o le alofa faamaoni sa fai ma ta'iala taua mo i matou, i lo matou foi ola auauna i le Atua. Ia faamanuia tele le Atua i lavasiga uma o le soifuaga o le a feagai ai i le lumanai.

Tau ia ina ia ta'ita'iina pea e le Agaga o le Atua le faatofala'iga a le Fono Tele a le Ekalesia i lenei tausaga, ma ia tatala pea le faalogo a le Ekalesia i le fetalai mai o le Atua o Lē ana le galuega.

"Fetalai mai ia, le Alii e, aua o loo faalogologo atu lau auauna."

Manuia le Fono Tele, manuia le 50 tausaga o le Ekalesia, manuia foi 50 tausaga o le Malo Tutoatasi o Samoa.

Soifua,
Afereti Uili
Pule o le Kolisi.

SILASILA I TOTONU

Talofa Lava! - Susuga Dr Afereti Uili	1	IA MOTU LE PA A UA ILOA	11
Oka Fauolo Tributes	2-5	Mafutaga a Malua ma Kolisi Faafaifeau	12-13
50 Tausaga EFKS	6-7	Maota fou i le Laumua	14-15
Tautai A'e	8	Asiasiga mai Paaga a le Faletusi i Malua	15
Faifeau Samoa	9	Malua Golf	16
Aoga Tusi Paia / Malua Pre-School	10		

E LE GALO OE! OKA FAUOLO (FT)



A life that transcended human barriers – Oka Fauolo

As we focus on the 50th Anniversary of our independence as a sovereign and free nation, many of us may be visualising the iconic giants of this past era and the imprints they have left in the sand of time. One man who immediately comes to mind is Rev. Elder Oka Fauolo. Oka was a simple man, who transcended religious, political, and social barriers. His tenacity was well known and respected by all, a Champion for the weak and helpless of society.

Mention the name Oka Fauolo to any Samoan, and you will get an instant reaction. This is because his life achievements propelled him from obscurity to fame in our small country and to our people abroad. For those whose lives were touched through his work and preaching, he imbued from them an endearing love. So Oka was both a simple and yet complex man. In this respect he was both an enigma magnanimous in many respects. He did not have many faces, like many of us. His presence was pervasive and was felt wherever he went.

Oka was foremost a Servant of God. The accolades of his working life attest to this truth. He spent most of his life advancing the message about his Master's Kingdom on Earth rather than personally seeking an illustrious career as a Theologian, because his servant hood for God was a lifetime vocation. He preached God's message and never discussed the methodology he employed to preach about his Master's Kingdom. In his mind, his duty as a Pastor was primarily to spread the good news about his Master and never draw attention to himself.

Such an altruistic nature is evident in Oka's overseas educational experiences in New Zealand, Fiji and in New York. He was a man of great stamina, who had profound theological ability to use what he'd learned to spread the message of salvation to all who hungered and needed it.

In his lifetime, Oka drew immense respect from people in all walks of life regardless of their denomination. Again, the way he preached God's message transcended barriers and religious divisions. This is why he enjoyed universal support by all denominations in Samoa to be the Chairman of the local Council of Churches. Oka never wavered once he made a decision. He considered all the options before finally making a decision. When he decided it was time to vacate the position of Chairman of the Congregational Christian Church Samoa (EFKS) in 2001, he did just that without any fuss. That is the mark of the man. Oka will be remembered as the only Chairman who resigned from this coveted post on his own volition.

As we prepare to celebrate the birth of our freedom, let us remember all the giants of Samoa who stood up for us, through thick and thin, to enable us to say, "We are a free people!" Let us remember one such national icon, Rev. Elder Oka Fauolo. A man who dedicated his life to the preparation of Samoans for the spreading the Word of God. A man who in his life and work reminded us all that the message being preached is greater than the one preaching it - the message that transcends all barriers and proclaims that in Christ, everyone is free and equal!

Uele Lotu Uele (F.S.)

Vaiala

E manatua pea lenei auauna loto tele ma le tusaafia – Alofaaga mo le Susuga Oka Fauolo. O le 1979 na faaiu ai lo matou taumafai, a o le kuata mulimuli (1979) na amata galue ai Oka ma le faletua e fai ma pule o le kolisi i Malua. O se tama faamaoni i lana galuega. E le galo pe a oo ina faasala se aoao i le tuai i vaveao i taimi o galuega – faasala e le aoga i le vaiaso atoa, sasa le malae kilikiti, ae faalogo atu i le pao mai asi ana van e siaki mai po o tuli le faasalaga, po o nofonofo le aoao i se fale. O se tama e ote, a o tua o lena ote, o loo afifi ai lona alofa i lana fanau. Ia faamanuia le Atua i lenei auauna aoga ma le toa a le Ekalesia.

Lauina Vui (FT)

Leusoalii

O Oka o se tama tusaafia. O Oka foi o se tama ote ona o le alofa. E le manao e tuli se aoao i o matou vaitaimi. A tupu se faalavelave i se aoao, e le alofa i le aoao o loo tupu ai le faalavelave, ae alofa i matua o le aoao. E alofa ona o loo tapuai matua ma tui mai le mulipapaga. E le galo lea auauna i loto ma agaga. Faafetai Oka i mea lelei sa e faia. Ia viia le Atua.

Timoteo & Sa Momoemausu (FS)

Mutiatele

E le uma le tamaoiga,
E le mavae le alofa,
E le muta le faaso,
O le loloto, o le mamao ma le mauuluga o lona
soifua,
e le mafai e se isi mea ona faaluaina.

O le tama ia Oka Fauolo sa na faasino ma faatonu
nunu lou olaga ina ia ou iloa le taua o le
valaauina e auauna ai i le Atua ma le faamaoni.
Fai mai a ia, "E tele tagata popoto o le lalolagi ae
mativa le EFKS i tagata faamaoni i le latou
valaauina i le Alii." Manuia Sooletaua ma le fa-
nau. Ua misia oe i lenei Fonotele a le Ekalesia
2012. Alofaaga e le mavae.

Liki & Eseta Tiatia ma le fanau (FT)
Dominguez, Amerika

"For lives like that of Oka Fauolo, there can be the
ultimate homeland of the soul's desire."
Faatausau Onesemo (FS)
Falevao

"Rev Elder Oka was a humble and great leader and his
memory will live forever."

Dr Iutisone Salevao (FS)
Failautusi Aoao EFKS

Alofaaga mo oe le tama Oka, vaeane le
Toeaina. E manatua pea aso o le 1967
e oo i le 1970/71 o le aoaoina i le
Maluapapa, ae maise la oulva tautua
matavela i le Ekalesia i Samoa. Mapu
atu ia i aao o lou Alii. Alofaaga mo
Sooletaua ma le aiga.

Iosia & Orepa Evile (FT)
Mililau, Hawaii



O le aulotu lenei ma te galulue ai o Manunu, o le aulotu na faasino mai e Oka ma te o i ai. O le 1992
na o mai ai le nuu lenei, e le i o mai ia maua, ae na o ia Oka. Na feau mai maua e Oka ma fai mai, "O
mai e o i le aulotu sia ua fiu e sue se faifeau e mumusu e mamao i uta." Na ma o lava ina ua tuua le
aoga ia Tesema 1992, o lenei o loo galulue ai lava e oo mai i le 2012. Faafetai Oka.

Roma & Wilma Enosa (FS)
Manunu

Ua malie lau talo na ola i le talaloa
Ua malie lau lupe na ola i le vaomaoa
Ua malie lau ia na taa i le vasaloloa
Faafetai tele Oka i lou tuufula mai o faiva o mafaufauga faale-agaga, ua loloto ai le tofa faaleAtua i le galuega
faafaifeau. Manuia lau Malaga.

Makerusa ma Faatea Porotesano (FT)
Ola mo Keriso, San Diego, Amerika

O nai mea e manatua ai pea lenei tama, (1) o lona faatauaina o le faamaoni i le galuega. E le taua le maoae o le atamai ma le aoaoina, a o le faamaoni. (2) o ana tala malie i taimi o vasega, e aumai aoaoga taua mo aoao. (3) O le faatauaina o le ola sauniuni ma le ola tapenapena i soo se mea. (4) O le ola valaauina – e le faamoemoe i le poto ma le atamai, ae faamoemoe i le Agaga o le Atua. E manatua pea i le faamanatuina o le 150 tausaga o le Kolisi i Malua (1994).

Amosa Reupena (FS)
Vaimoso



Rev Elder Oka Fauolo FT & Head of State, Tui Atua Tupua Tamasese Efi

“O le pele, e lei faapelepeleina.”
E manatua pea i le loto le saunoaga a le tama nei i o matou aso a o iai i Malua nei. Ona ia tuu mai lea o le avanoa matou te tautala ai pe a oo ina potopoto le Ekalesia. Ua iloga o matou aso i le Kolisi ona o le tuuina i lalo o pou sa laulaututu mai le sami, sa mataga ai le aai nei. E faafetai ai i le Atua ona o le avanoa sa mafuta ai i lenei tama, a o aotauina le ola, e fia faaoga mo Keriso ma ana feau. Sa ou inisinia ma avetaavale, sa kamuta ma tausi le uati ma fai ma tausi povi, ma fasi povi ma aoga faafaifeau i lenei lava nuu, mai le 1980 e oo i le 1983. Faafetai Oka, e le galo oe i le loto. Toe feiloai.

Matapoo Peniamina (FS)
Savali o le Filemu, Henderson, Amerika


E tagi le fatu ma le eleele, pe a mafaufau i lenei tama aoga tele.
Le au soo na e faafailele, ua tupu ai le galuega i Samoa ma nuu ese.
O lau faautautaga ma lau tofa tatala, ua taoso ai faiva o le au galulue sa le mataala.
Faafetai Oka i lau faasoa lufilufi lima lelei, lea ua sapi ai le Ekalesia ae maise faifeau i ona po nei.
Lea ua e mou atu, ae manatua pea oe i le tele o lou fatu.

Alofaaga.

Limu Samuelu Olo (FS)
Saoluafata

O le mea alofa a le Atua mo le Ekalesia, Samoa, aiga, le tina ma le fanau. O le tama sa sasaa iai le tamaoaiga la le agaga. O le faamanuiaga mai le Atua sa faasoa mo le lumanai o le Talalelei ma le Ekalesia ma Samoa. E faagalo gata i loto aua o le poto ma le mataisau a le Atua liligi mai e ala i le auauna e fai pea ma sei o le Talalelei e olaola i auauna ma le aufaigaluega. Faafetai tama.

Larry T. Williams (FS)
Sinamoga



Abi Abi rechem Israel uparashav: (2 Kings 2:12)
In memoriam - Rev Oka Fau'olo

The consensus of time ignored our whims caught us unawares temporarily; Dispensation unleashed the sharpening edge of life turning into the alleyway into the deepening afterglow of twilight - twilight lengthened into the first dawn at Papa Sataua, the dedication of the Ha-Shem Presence became your passing. The two joined at the Isaianic Temple - Righteousness took the helm at the lowering of legions across the *Ecclesia* - in the remoteness of your promised land *abi*, you made the ultimate sacrifice in life so that in your next world I find solace here.

The succession of aeons and worlds are axiomatic of life, symmetrical at least when cast in the ephemeral horizons transposed across your incessant articulations I have yet to understand, fathom the celestial, phraseology in your lexiconic muses but in that is the pulse that throbs, that moves the hearts and souls, the longings and yearnings, the endeavours will keep you in our lifetime for our life, for such perennials are born the eternality threshed out of the transiency of the seas stilled bottomless *abi*, you thwarted solicitation and consoled like the burning bramble untouched I walk now.

The wasteland did always precede the oasis, desert emptiness the fullness of disciplined discipleship in your dealings such was your delight in the absoluteness of the Word you believed and taught, there is no point in half wayness and half heartedness is but the measure of the pneumatic dead, there is little guidance in that set aside for the morrow but today and the morrow assuming the mantle of today. No one sees the tomorrow dawn you said without the annals of today sifted superbly *abi*, you have lived the incantations of these marks like brimstone and fire I know.

rechem uparashav the fiery fighter presence of the heavenly sebaot - your eternal mark, sequenced randomly and loquaciously stamped availed at the dome of the moving firmament - you came between the foundation of the heavens and the tilting manifests. The heavens came to earth in flaunty defiance, conspicuously envious while you pushed the extremes of human endeavour and existence commensurate - *Yhwh* was never so near never so dear than when you privileged these capricious shores; you measured the steps of *Ieshu'a* across this incessant variegated land;

And I knew you in the order of the Tishbite the anciently garbed battlescarred nabi charioteer opening everywhere with the flash of naked steel of the *dabar Yhwh* - starkly silhouetted in the desert wilderness, your amicable face belied bellicosity. There is no reward for knowing you until the likeness of prophecy propels the next step and those that follow ensuing life words returning not again the origin known, for each and every long vowel of your life vocalizes a thousand diphthongs of essentiality and bitter controversy to the end contrast the final consolation to which most aspire.

Abi, the constituents of your passing conflate to engender awkward rebellion; you assent to life much too easily to please death too casual does it claim notice. I am no companion of death having feasted of your erudite wisdom of I am Life. That I am Life - I have condemned death at the passing of your words in *ehy' as'r ehy'*. The matter complicates itself immensely and you are right - tradition often take precedent. Empty rhetoric thwarting fair discourse and then your death - I am in danger of deepening contempt but your words are the words of life and your words of life circumscribe death.

And so they err famously when they intoned your end in the midst of Safotulafai that incumbent Tuesday afternoon you ascended unto the earthen heaven, for I saw you thrice as I walk away from that blasphemous entombment. Your hand striking at the base of the fallacy that formed the contempt of those who knew your life's work: the Leviathan killed by its own admission of eulogical guilt I saw the cloak of your life's work lay open the ocean across which I walked the gravelled fathomless road to the Waters Gate, apocalypse mystery; and then I saw.

You, the edifice of hosts that burned Mt Carmel at the behest of *Yhwh*; you stood in the Aravah of life, near Yam Melah, fire poised from heaven like the sword of him who tood at the bend of the Arnon, fearfully attired and primed. I am relieved, *abi, abi, abi*, you are for us, there is life, *rechem Israel uparashav*. You would understand, turn, turn, return the mantic the warrior of *Yhwh* turn I miss your defining sword in the coliseum of consensus pitched to the tune of *dabal*. No more your presence contest but your toil of prayer and life atone.

Abi, abi, abi is etched in memoriam at your passing
rechem uparashav - the fiery presence your life's epitaph

T S Malifa (FT)
Malua Fono Tele 2012



Oka & Sooletau Fauolo

50 TAUSAGA EKALESIA FAAPOTOPOTOGA KERISIANO SAMOA





TAUTAI A'E

E faamalo faafetai le galulue punoua'i ma le onosa'i i le galuega a le Atua i tausaga e tele. Ia faamanuia pea le Atua ma puipui i lo outou soifua.



Lale Ieremia FT



Fereti Moenoa FT & Ina



Ropati Tiatia FT ma Seataata



Apelu Lelevaga FT & Fua (picture unavailable)



Faavae Saena FS & Perive



Maligi Evile FT & Faauuga

SAUNIGA FAAUUGA O FAIFEAU

O se faauuga tulaga ese lenei mai le tele o tausaga, i le faatoateleina o le fuainumera o le au faauu. E toa tolu sefulu ma le lua (32) i latou na faamanuiaina i lenei tausaga e avea ma Faifeau Samoa: Alo Pita & Miriama (Faleata), Anetone Misa Savavau & Naomi (Apia i Sasae), Apelu Lelevaga Jr & Vaauafao (Apia), Ata Milo & Mouaana (Manukau), Caesar Samuelu & Sarona (Aana), Charles Lualua & Tineimala (Faasaleleaga), Eleasaro Aumua & Fetutasi (Faleata), Enele Auvaa & Taeavale (Faasaleleaga), Enoke Pouniu & Lila (Itu o Tane), Falefaosamauga Leauma & Tualupetu (Faleata), Faisiota Autagavaia & Lielie (Faasaleleaga), Fuaao F. Fuimaono & Sieni (Falealili i Sisifo), Fuifui Teevale & Roberta (Apia), Gutu Faasau & Mesepa (Apia i Sasae), Imoamua Setefano & Amelia (Kolisi Faafaifeaau i Malua), Irenio Feata & Lapua (Apia i Sasae), Korua Matamu & Puataunofo (Apia i Sasae), Leaoga Tanuvasa & Caroline (Amerika), Leitualasa Malieitulua & Amelia (Kolisi Faafaifeau i Malua), Malutafa Faalili & Josephine (Kolisi Faafaifeau i Malua), Masitone Sasagi & Latitude (Faleata), Mose Galuevao & Betty (Niusaelese), Okesaita Iosia & Feula (Faleata), Safiti Iupati & Hinemoa (Kuiniselani), Samasoni Moleli & Malavai (Kolisi Faafaifeau i Malua), Siaosi Salesulu & Sou (Apia i Sasae), Solomona Ta & Muamai (Faasaleleaga), Tiafaafo Gatoloai & Tracy (Faleata), Toese Lealiee & Taavili (Faasaleleaga), Vaituu Palale & Vaisaili (Lotofaga, Lepa, Aleipata), Vavae Maua & Fereni (Itu o Tane), Visiesio Saga & Angharad (Kolisi Faafaifeau i Malua).

O se sauniga sa matua faatumuina i le mamalu o aiga faapea le ekalesia aoao. O le Toeaina Faatonu o le matagaluega a Malua, Susuga ia Apelu Lelevaga na taitai, o le susuga ia Poka Maua FT sa faitauina le Tusi Paia; o le tatalo o le faauuga na saunia e le Toeaina o Kerita Reupena. Na taliga e fia logo le mamalu o le sauniga i le feau tau molimoli o lea aso.

O le susuga ia Tavita Roma, Iosia Evile, Toese P Toailoa, Liki Tiatia, Apelu Lelevaga ma Tautiaga Senara, na faaee o latou aao ma faamanuia i ai latou i lea aso. Na molimau nisi o i latou nei na faauuina, o se laasaga taua lenei o le ola valaauina ua oo iai, ma ua lagona lava le fiafia ma le agaga faafetai i le Atua, o Le na faamaite le loto onosai ma le faamalosi, ua afua ai ona aulia mai lenei aso taua mo i latou. E momoli foi le agaga faafetai ma le faamalo i aiga ma ekalesia faapea le tapuaiga mau a Tama o le ekalesia, ua faataunuuna ai lenei faamoemoe sa taupoina.



Imoa & Amelia Setefano

**Visiesio
&
Angharad
Saga**



**Leitualasa & Amelia
Malieitulua**



Malutafa & Josephine Faalili



Samasoni & Malavai Moleli

AOGA TUSI PAIA MALUA

Ua mae'a nei le kuata muamua o le Aoga Tusi Paia i lenei tausaga ina ua mavae le sefulu vaiaso na faagasolo ai mataupu eseese e sefulutasi. E toaluasefuluono i latou sa lesitala i ia mataupu. E toasefululima faletua o a'oa'o ma faiaoga Malua ae toasefulutasi i latou mai tua. I totonu o le sefulutasi lenā, e toalua i latou e le o ni sui o le EFKS. O le faailoga lea o loo solosolo malie pea i luma le faaleleia atili o le auau-naga a le Aoga Tusi Paia mo le mamalu o le atunuu lautele.

O le molimau a se tasi o faipule o le Palemene o Samoa, o le Minisita Lagolago foi o le Matagaluga o Faamasi-noga, le tele o le tamaoaiga faa-le-agaga ua ia maua mai ana mataupu o loo aoga ai i le Aoga Tusi Paia i Malua. Ua aogā tele le silafia ua ia maua e fesoasoani ai i lona tofiga i lana ekalesia, le Ekalesia Katoliko. Ua toalua i ai sui o le Ekalesia lava lea o loo aoga nei i le tatou aoga. O se auau-naga e le o maua i totonu o le latou ekalesia. Ae



Nisi o le au faauu 2012
(Iaina i tua) Neda, Rema, Amelia, Aliitasi, Maria, Miriama
(Iaina i luma) Pele, Toala, Elena, Faleupolu, Alpha

o se auau-naga ua faasolo ina gase le naunautai o le tatou Ekalesia e faaaoga.

O le faauuga a le Aoga Tusi Paia o le 2012 na faataunuuna i le aso fitu o Mati. E toaiva na faamanuiaina i le tusipasi o le Certificate in Theological Studies ma le isi toaiva na maua Diploma in Theological Studies. O i latou ua

maua le Certificate in Theological Studies: Aiga Crichton, Aliitasi Aulai, Alpha Tuigamala, Amelia Setefano, Elena Petaia, Faleupolu Laufiso, Maria Tiatia, Pele Manutai, ma Tooala Risale. I le Diploma in Theological Studies: Fusi Pama, Herema Pouono, Leofo Tonuu, Maria Logovii, Miriama Mata'i, Neda Puaina, Sina Lafolafoga, Tanaria Kolia, ma Wionona Fasavalu.

Faafetai i le Komiti Faafoe o Malua i le lagoonaina o le Aoga Tusi Paia. E titi'e a'e le faamoemoe ola e agai lava ina toatele nisi o le tatou ekalesia, ae-maise lava le tupulaga, o le a agai mai e aoga

i le tatou lava aoga. O le aso valu o luni e amataina ai le Kuata lona lua o lenei tausaga, ma o loo maua pea le avanoa mo i latou o fia faaogaina lea auau-naga a le Ekalesia.

Manuia tele le Fonotele o lenei tausaga.

MALUA PRE-SCHOOL



Talofa lava! E viia pea le alofa ma le agalelei o le Atua ona ua mafai ona fa'ai'uina ma le manuia galuega ma aoga a nai alo ma fanau o le Maluapapa Pre-school kuata muamua 2012. Na amatalia le matou galuega i le aso 8 o Fepurari 2012. O loo taitaia e le faletua o le Pule ia Samata Uili ma le lagolagosua a le faletua faiaoga ia Lemapu Tuisuga. E toa luasefulu(20) tamaiti o le Preschool. E 5 tama ae 15 teine. O tausaga e 2 ½ i le 5 tausaga.

Ua fiafia foi le loto i le auai mai o nisi o alo e toalua mai Leulumoega. O alo a faiaoga a le Kolisi a Leulumoega. E toa iva faletua o aoao o loo galulue i le Preschool. O Miriama Matau, Elena Petaia, Plele Manutai, Alofa Crawley, Tine Tasele, Lemina Toia, Teevale Sekoa, Tanya Lesa, ma Magalelei Maiava. E 10 Vaiaso na fai ai o matou galuega faatino ma talanoaga. O nisi o autu poo themes na matou aoao i le fanau, Meaai Paleni e aofia ai fuulaauaina ma meaai taumafa mata (fruits). Sa vaaia le fiafia o nai tamaiti e taumafa i meaai paleni aua e oso ai le maso. O meaola o le sami ma

manu vaefa. Na alu foi le tafaoga (field trip) a le fanau i le pa pua'a ma le vai a Malua. O le auga o ia famoemoe ina ia faamalamalama atili ai i ia i latou le matagofie o ia nofoaga o mea na faia e le Atua. Na vaaia ai le fiafia o tamaiti i nei tafaoga.

E momoli atu ai le faafetai i le faletua o le Pule mo lana lagolago malosi i a matou fuafuaga uma. Faafetai foi i matua o fanau a le Preschool ona o le fesoasoani mai. Faamalo atu foi i faletua o aoao o e na faia galuega mo le fanau i aso uma.

Mo le fanau,

la faamanuia le Atua aua le tou galulue punouai ma le onosai. Ia viia ai le Alii.

Faafetai

Magalelei Maiava

IA MOTU LE PA A UA ILOA...

TAPENA LE KOLISI MO AAFIAGA O SE GALULOLO (tsunami)

I le vaiaso muamua o le a'e mai o le Kolisi i le tausaga nei, na avea ai o se vaega o lana polokalame mo le Orientation Week le faia lea o se faataitaiga (tsunami drill) ina ia nofo sauni ma lava tapena le Kolisi i se galulolo e ono tula'i mai i se taimi. Na tātā faafuase'i logo o le faailo, ma agai uma loa le Kolisi i uta, ma faamaopoopo uma i le fale o le pulega a Apia i Saute i le taeao lava lea. O iina na faia ai le tauvalaauga, ma nisi o faatonuga masani e ao ona nofouta iai, mo se galulolo e oso faafuase'i. O le a faaauau pea faataitaiga nei, ao faagasolo galuega a le Kolisi mo lenei tausaga.

PEPA MO LE FONOTELE

O le Susuga i le faiaoga ia Rev. Dr Faalepo Tuisuga na saunia le pepa mo le Fonotele i lenei tausaga. Na faaulutalaina le tapenaga i le manatu, "O le fetalai mai o le Atua e ala i le **Tofa Liliu** a le **Ekalesia Fa'apotopotoga Kerisiano i Samoa**" O le faamoemoe autu o le tapenaga, ina ia toe faamaite le tofa liliu a le EFKS e fai ma ala o le fetalai mai o le Atua i lana ekalesia i o tatou foi aso, ma ia faalogo atu ma le manino i le Atua i le ava ma le faaaloalo e tusa o tu ma aga fa'aSamoa ua tapenaina lelei e le Agaga Paia.

FONO A LE SPATS I TAHITI

O le a auai atu le Susuga i le Alii Pule, faapea le Susuga i le Sui Pule o le Kolisi, i le fonotaga a le **SPATS Council**, e faia lea i Tahiti, mai i le aso 25 Me, e o'o i le aso 1 Iuni, 2012. O le fonotaga lenei a le Council, o le a talimalo ai le Maohi Protestant Church, ma o le manatu autu (theme) o le fonotaga lenei e pei ona faailoa mai e faapea; "Challenges and Promises of Quality Assurance in Theological Education: Ecumenical and Multi-Contextual Inquiries in the Pacific."

ASIASI MAI LE KOLUSE MUMU I LE KOLISI

O le kuata muamua 2012 sa mafai ona feiloai ai le Kolisi i Malua ma sui o le ofisa o le Koluse Mumu is a latou polokalame faalauiloa, e le gata mo faiaoga o le kolisi ma aoao, ae faapena foi le mafutaga a faletua o le kolisi. O se avanoa taua tele aua le faaaupegaina o le aufaigaluega o le lumanai ma lenei foi tomai o le "fesoasoani muamua." O se polokalame sa faaauauina pea i le kuata muamua i aso tofia, ma o loo iai foi le faamoemoe e faaauauina pea i le lumanai.

TOE FAAOLAOLA MATAUPU O LE AGANUU I LE KOLISI (CULTURAL STUDIES)

Ua toe aloaia nei i le polokalame faaleaoga faaletausaga le Mataupu o le "Cultural Studies" po o le Aganuu FaaSamoa. O le faamoemoe maua luga ina ia tapena lelei pea aoao o le Kolisi mo le itu i fao o le galuega faafaifeau, ae maise lava pe a oo ina faafeagai ma aulotu ma ekalesia. O se polokalame taua tele ma ua vaaia ai foi le fiafia ma le finafinai o aoao ina ia faaleleia atili lea itu o le soifua aotau. O le susuga i le Sui Pule ia Maafala Lima ma Alesana Eteuati o loo faauluulu iai lea matagaluega.

ENVIRONMENTAL STUDIES

O se tasi foi lea o polokalame ua mafai ona aoaoina ai aoao e sui o le matagaluega a le malo mai Apia i mataupu tau i le siosiomaga. O se mataupu taua tele mo le agai i luma ae maise o le feagai ai o Samoa ma le lalolagi ma le faafitauli tele o le faaleagaina o le siosiomaga. O se faavae taua foi mo nisi o mataupu silisili tau le siosiomaga e moomia mo le faasaoina o le ola o le tagata ma le foafoaga paia a le Atua. O le susuga ia Faalepo Tuisuga o loo feagai ma le faagasoloina o lea polokalame.

FAIAOGA MALUA

E toalua faiaoga na toe taliu mai i le amataga o le tausaga sa tausinio i le faailoga o le Doctor of Philosophy (PhD) mai le Iunivesite o Charles Sturt, i Sini Ausetalia. O le Susuga ia Aukilani Tui'ai na tusia lana pepa i le Talafaasolopito o le EFKS a'o le Susuga ia Peletisara Lima na tusia lana pepa i se Mataupu Silisili [Remigrant Theology]. O le faletua foi ia Michiko Ete-Lima na faamanuiaina i le Master of Laws (LLM) mai le Iunivesite o Sini Ausetalia, ma o loo galue nei i le Ofisa Tutotonu a le Ekalesia. Ua tofia foi e le Board o Malua, Apineru Fasavalu, o le Aoao na iu mai Malua i le tausaga na tea nei, e galue i le Fale Tusi o le Kolisi. O le faamoemoe o le a feagai pea Apineru ma le Fale Tusi i le tele o tausaga, aua le faaleleia o lenei itu-tino taua o le galuega a le Kolisi.

Mafutaga Kolisi Faafaifeau – Piula, Kanana Fou, Nasareta ma Malua, 2012

“Ia Fusia Faatasi i Matou, Le Alii e!”

O le manatu autu lea sa limataitaiina ai le mafutaga a Kolisi Faafaifeau e fa, sa faia mai i Malua nei, i le aso 3 ma le aso 4 o Me, 2012. O le faamoemoe o lenei mafutaga ina ia maua le fealofani ma le galulue faatasi o le aufaigaluega e le gata i susuga i Alii Pule ma faifeau faiaoga, ae maise o alo ma fanau aotauina a Ekalesia eseese, mo nei ma a taeao. O le fiafiaga tele lea mo le komiti faafoe, ona sa matauina le atagia o lea faamoemoe i ia aso e lua, i le mafuta fiafia ai o Aoa ma Faletua o tausaga taitasi, a o susuga foi i Pule, le aufaigaluega ma o latou faletua, faapea i fanau. O vaega eseese uma o le mafutaga, i taaloga, o faafiafiaga ma pesepesega faaleagaga ma isi, o faatalatalanoaga, o le au gasese, se ia oo lava i apitaga, sa vaevaeina lava i luga o vasega taitasi, e oo lava i le aufaigaluega.

Na amata lava le mafutaga i se faiga lotu sa taitaiina e le vasega Faaiuso mai le Kolisi o Malua. O le susuga ia Faalepo Tuisuga sa fai ma sui o le Kolisi i Malua e saunoa faafeiloai i susuga i Alii Pule, faifeau faiaoga ma laumua e tolu, i lea taeao. Sa ia faapea foi ona faafeiloai atu i le saunoaga na aami faapitoa o le aso, le Afioga i le Peresitene o le Ekalesia Metotisi i Samoa, le Susuga ia Tupu Folas II, faapea se tasi o Alii polofesa mai Ausetalia, ia Dr. Mark Brett, sa faatasi mai mo lea faamoemoe. Sa mamafa i le saunoaga a le susuga ia Folas le taua o le galulue faatasi, e ui lava i le eseese ai o Ekalesia ma le faatinoina o tapuaiga, e tasi lava le Atua o loo tatou tapuai ma faatuatua iai – le Atua le Tama, le Alo ma le Agaga Paia. A maua foi e le aufaigaluega le fealofani ma le galulue faatasi (ecumenicism), e manuia ai le galuega, i taimi o le ola aotauina, a o le faatinoga foi o le galuega i le lumanai.

Sa saunoa le susuga ia Mark Brett i nisi o ona mafau-fauga faatupu manatu, i le eseese ai o le feagaiga sa osia e le Atua ma Aperamo (Abraham's covenant), ma le feagaiga sa osia ma Mose (Moses' covenant). O le feagaiga ma Aperamo e aafia ai tagata uma (inclusive), a o Mose e faapito i se vaega toaititi (exclusive). O le lui a le susuga ia Brett mo le mafutaga ina ia mulimulitai i le feagaiga sa osia ma Aperamo, e ta aofai ai tagata uma, o fanau a le Atua. Sa faatinoina foi tu ma aga masani a Samoa i faaloaloga masani mo i laua, sa tapenaina e Malua, i le maea ai o a la saunoaga.

Sa maua le avanoa e matamata ai le mafutaga i le Fale Mataaga (Museum) a le tatou Ekalesia o loo i Leulumoega Fou, ma sa faafiafiaina ma maofa lava tagata uma i vaega eseese o lea foi atinae a le Ekalesia (ae maise ai lava le Kolisi i Malua, ona o le toatele faatoa o'o lea i le museum, lol). E faafetaia ai le afioga i le Taitaifono (Fonotele) ma le Pulega, mo le taliaina o le faatalau'ula atu a le komiti mo lea faamoemoe.

Na maea le taumafutaga o le aoauli ona malolo lea mo sina taimi puupuu, ona amatalia ai lea o taaloga – tuuga taga, tuuga fuamo, tosoga maea, limbo, voli ma lakapi pai a alii. O le tausaga tolu sa manumalo i le tuufaatasiga o ai, o taaloga eseese. I le maea ai o le barbarque o le afiafi, sa alo loa i faafiafiaga, o aitema sa tapenaina e vasega taitasi, o a latou tali o fesili sa tuuina iai, e faatatau i le manatu autu o le aso, ma special items mai Kolisi eseese, lea sa pesepese ai le akapela a le tausaga faaiuso mai le tatou Kolisi nei, o le special choir a Piula, ma tala faatino mai Kanana Fou ma Nasareta. Na maea lea po i le sauniga lotu sa taitaiina e le Kolisi Faafaifeau mai Kanana Fou.

Sa amata le Aso Faraile i le faamalosi tino, na taitaiina e le Matagaluega o le Soifua Maloloina, ma nisi o sui iloga o le Manu Samoa Tai Toafitu. Sa faataunuu foi se feiloaga a susuga i Tama Pule ma le aufaigaluega a Kolisi uma e fa, e soalaupule le isi laasaga mo le lumanai o lenei faamoemoe, e le gata i mafutaga, a o se isi laasaga e mafai ai ona fesoasoani ma galulue faatasi, i le tulaga o le fefaasoai i le faatinoga o galuega. Ua filifilia ai ma se komiti faapitoa e sailiili i ia vaega, mo le faaleleia atili o lenei faamoemoe. Sa faapea foi ona tuuina mai ma le talosaga a le Peresitene o le Seminario mai Kanana Fou, le susuga ia Tafa, latou te fia tali malo i lenei mafutaga i le tausaga fou, ina ia o gatasi ma le faamanatuina o le 30 tausaga o le faavaeina o lea Kolisi Faafaifeau, mai le motu i sasae.

I le maea ai o le taumafataga o le taeao, sa faaiuina aloaia le mafutaga i le sauniga lotu, sa taitaiina e le Kolisi mai Nasareta, ona sosoo ai lea ma saunoaga faalaeiau ma faamalosi a susuga i Tama Pule, faatasi ai ma faamanuiaga mo le au mafuta uma. Sa tutu alalua le Kolisi mai Malua nei mai le Fale lupeli, se ia oo i le Fale Senetenari, ao gasolo mai Kolisi eseese ma faatofa iai. E pepese lava i vii o Malua ma feasogi atu i uo mamae ua faavaeina i lenei mafutaga, e pei ona i ai le manatu autu:

Ia Fusia Faatasi i Matou, Le Alii e!

Visesio Saga

Sui - Komiti o le Mafutaga



MAOTA FOU I LE LAUMUA



**Pulega Vaimauga
Sisifo**



Pulega Falelatai



Pulega Melepone Saute



Pulega Apia Sasae

Asiasiga mai Paaga a le Faletusi i Malua



Kylie Monroe with Library Staff

E fa'ailoa atu ma le agaga fiafia tele nisi o paaga a le faletusi i Malua sa afea le Laumua i le kuata muamua. Ona o le tulaga ua iai nei le fa'aaogaina o le tekonolosi (technology) i le fa'agaioiina i ala fa'atelevave o feso'ota'iga i galuega ma a'oa'oga, ua manatu ai le Alii Pule ma le aiga faiaoga, ina si'itia atu iai le tulaga o lo tatou faletusi. O le agaga, ina ia o tutusa ma le tomai fa'afaletusi ua iai nei lunivesite po'o Kolisi mauualuluga i atunu'u i fafo.

I le amataga la o le masina o Aperila ua mavae nei, sa muamua afea ai lo tatou Kolisi e le tama'ita'i o Kylie Monroe; o le sui o le Australian National University (ANU). O lenei sui o le ANU e iai le tomai fa'apitoa mo le sefeina po'o le teuina o tusitusiga (archivist) e patino i se atunuu ma ona tagata. Tusa ai ma lea poto fa'apitoa, sa talia e le Alii Pule ma le Kolisi le sūsū mai o Kylie ina fa'aaogaina lea feasoasoani auā le tele o tusitusiga tau le mataupu silisili (Bachelor of Theology & Bachelor of Divinity thesis papers) ina sefe ma teuina fa'apitoa auā āuga tupulaga o fai mai. O le fa'amoemoe, ia iai ni kopi o ia tusitusiga e ala i lipine tapu'e (micro fiche) e teu i le faletusi tutotonu o Ausetalia e tua iai tupulaga pe a tutupu mai ni fa'aletonu i ia tusitusiga. I le tausaga o loma nei 2013 o le a fa'ataunu'u atoatoa ai lea vaega.

I lea lava masina o Aperila sa fa'apena fo'i ona toai taunu'u mai se sui o le South Pacific Association of Theological Schools (SPATS) e suafa ia Lynn Pryor, o se tasi o paaga masani a lo tatou Kolisi i le Pasefika i Saute. O Mrs Pryor o lo'o galue fa'apitoa ina ia fa'aleleia atili le tulaga o faletusi o Kolisi Fa'afaifeau uma o le Pasefika i Saute; aemaise feso'ota'iga ma fetufa'iga i le va o ia faletusi. Ua ova ma le luasefulu tausaga o ia galue i lenei tomai tau le Pule o le faletusi (Librarian). Pe a fua i lea taleni, o le naunauta'iga o Mrs Pryor mo le isi tolu i le lima tausaga o lona tofiga; ia uma atu lona taimi a ua mafai ona fa'afaigofie feso'ota'iga i le va o faletusi (interlibrary) o Kolisi ta'itasi e lē gata i Samoa nei ae fa'apena le Pasifika i Saute.



Lynn Pryor with her colleagues

I le i'uga o nei feiloa'iga ma uo o le tatou Kolisi, sa fa'afiafiaina le Alii Pule ma le Kolisi Fa'afaifeau i Malua ona o le tomai fa'asoa mai o nei tama'ita'i aua le fa'aleleia o lo tatou faletusi. Talosia ia i le Alofa o le Atua fa'amoemoega uma ua tula'i mai e ala i fesoasoani mai o nei paaga o le tatou Kolisi i Malua.

TOE MALAGA IPU O SIAMUPINI TAGAPOLO-FAA-VA-MALO, I ATUNUU I FAFO



Au Tapolo mai Ausetalia 2012

I le Aso Toonai 12 o Me, na faataunuuina ai le faagatama faavaa-malo a le au malosi mai Ausetalia ma le au a Malua i le malae tapolo i Faleata. Sa faaaogaina lava tulafono masani a le PGA mo le taaloga, lea sa faafoeina e le Komiti mai le au a Ausetalia, a e lagoon i ai le Komiti a le au a Malua. Na maea loa le tatalo amata avau loa taaloga. E ui ina lagona le vaivai a e na molimauina pea le mafana o le mafutaga i au taalo e lua. O se aso fiafia mo au e lua, aua e ui lava ina malolo Malua i le tuufaatasia o 'ai (overall score), a e na manumalo i 'ai taitoatasi (best gross) mo le taaloga. O lea la ua toe se'e atu le ipu ia Ausetalia mo lenei tausaga. O le saunoaga a le Kapeteni a le au a Malua, o le a tapena faalelei lana 'au e toe faafoi mai le ipu i lea tausaga.



Kapeteni a Niu Sila i Saute - Popo Sua FT

I le Aso Tofi 16 o Me, na faataunuuina ai foi le taaloga a Malua ma le au malosi mai Niu Sila i Saute i le malae taaalo i Fagalii. Na faafoeina le taaloga e le Komiti mai Malua, i le galulue faatasi ai ma le Komiti a le au mai Niu Sila i Saute. Na maea le malu taeao ona amata lea o le taaloga. O se taaloga mataina ona o le taufai finau o au e lua. Manumalo Niu Sila i Saute i le tuufaatasia o 'ai (overall score), a e manumalo Malua i 'ai taitoatasi (best gross). Ua toe se'e atu ai foi le ipu o le Taaloga ia Niu Sila i Saute mo lenei tausaga seia aulia foi le tausaga fou. Faafetaia le Atua i lona alofa ma lona agalelei ua faataunuuina ai nei faamoemoe lelei.

Manuia le FONOTELE.
Soifua



Faalepo Tuisuga, Taipisia Leilua, Alesana Eteuati



Meki Lauvi

Komiti o le Maluapapa

Peniamina Leota, Alesana Eteuati, Visesio Saga, Imoamaua Setefano, Malutafa Faalili, Leitualasa Malieitulia, Samasoni Moleli, Olive Samuelu, Apineru Fasavalu, Alesana F Pala'amo, Pasefika Maiava.

Malua Theological College

www.malua.edu.ws

© 2012